



TAHNIAH: Nur Farina berjaya tamatkan pengajian Ijazah Sarjana Muda Psikologi dengan Kepujian.

Hidap SLE tidak halang Nur Farina tamatkan pengajian

UB 28.06.2022 P.08

KOTA KINABALU: Menghidap penyakit Systemic Lupus Erythematosus (SLE) tidak menghalang Nur Farina Amalia Mohd Isa, 24, menamatkan pengajian Ijazah Sarjana Muda di Universiti Malaysia Sabah (UMS).

Malah, Graduan Fakulti Psikologi dan Pendidikan (FPP) itu berjaya meraih keputusan yang memberangsangkan dengan memperoleh Purata Nilai Gred Kumulatif (PNGK) 3.42.

Menurut Farina, dia disahkan menghidap penyakit SLE pada tahun 2019 ketika cuti semester dua pengajian.

“Sepanjang cuti selama tiga bulan, saya sakit teruk sehingga tidak dapat berjalan, sendi mengeras secara tiba-tiba dan sukar untuk bangun.

“Setelah berjumpa doktor pakar, saya telah disahkan menghidap penyakit ini dan terpaksa bertahan sambil melanjutkan pen-

gajian,” katanya ketika ditemui pada Majlis Konvokesyen UMS ke-23, di sini, kelmarin.

Farina berkata, dia kini menjalani kehidupan seperti biasa, namun perlu bergantung dengan ubat SLE seumur hidup.

Katanya, penyakit SLE ini menyebabkan kesukaran yang kadangkala memerlukan penggunaannya menggunakan kerusi roda untuk bergerak.

“Saya berterima kasih kepada rakan-rakan yang sering membantu menolak kerusi roda serta bersama-sama ketika susah dan senang,” katanya.

“Terima kasih juga kepada ahli keluarga saya yang sentiasa memahami dan tidak putus-putus memberikan suntikan semangat,” katanya.

Gadis berasal dari Lahad Datu itu merupakan antara 1,328 graduan yang diraikan di pentas Dewan Canselor hari kedua Majlis Konvokesyen UMS ke-23.